

# Reglugerð um Öldungamót BLÍ

## Fyrsti kafli - Markmið og tilgangur

### Gr. 1.1.

Mótið heitir öldungamót BLÍ. Markmið þess er að útbreiða blakíþróttina, stuðla að framförum í tækni og viðhalda getu keppenda. Mótið skal vera vettvangur jákvæðra samskipta milli blaköldunga af öllu landinu með leikgleðina að leiðarljósi.

### Gr. 1.2.

Þátttaka í Öldungamóti BLÍ er heimil öllum sem uppfylla eftirfarandi skilyrði:

- a) Vera skráður iðkandi í blaki hjá félagi innan ÍSÍ
- b) Vera á keppnisárinu 30 ára eða eldri í öldungadeildum og 50 ára eða eldri í öðlingadeildum.
- c) Hver leikmaður leiki aðeins í einni deild og með einu liði. Öldungur getur gefið félagi leyfi til að færa liðsmann á milli deilda ef meiðsli koma upp í liði. Það gildir þó aðeins innan sama félags og aldrei úr efri deildum í neðri deildir.
- d) Félagaskipti þarf ekki að tilkynna.

## Annar kafli – Umsókn um að halda næsta Öldungamót og gjald til uppbyggingarstarfs

### Gr. 2.1

Umsókn um að halda næsta Öldungamót BLÍ skal send inn til starfandi öldunganefndar og BLÍ, í síðasta lagi 21 degi fyrir næsta mótsdag, á þar til gerðu eyðublaði sem finna má á heimasíðu BLÍ. Ekki er tekið við umsóknum nema á tilgreindu umsóknareyðublaði og skulu allir reitir útfylltir. Öldunganefndin mun sínað yfirfara umsóknirnar, kynna þær á vef mótsins og leggja þær síðan fram til atkvæðagreiðslu á öldungaþinginu.

### Gr. 2.2

Af þátttökugjaldi skal mótshaldari greiða til BLÍ upphæð sem nemur 25% af þátttökugjaldi eins og það er ákveðið ár hvert. Hafi mótshaldari/blakfélag ekki starfrækt yngriflokkastarf á yfirstandandi keppnistímabili skal hann greiða 40% af þátttökugjöldum til BLÍ.

### Gr. 2.3

Fjármunir þessir skulu ætlaðir útbreiðslu – og yngriflokkastarfi á vegum BLÍ og ráðstöfun þeirra birt á sýnilegan hátt í ársskýrslu BLÍ ár hvert. Á móti skal BLÍ skipa 2 landsdómara til að hafa umsjón í samráði við mótshaldara með dómgæslu og niðurröðun dómara á Öldungamótum BLÍ.

### Gr. 2.4

Framkvæmdaraðili mótsins er ábyrgur fyrir því að úrslit séu send til BLÍ, eigi seinna en viku eftir að móti lýkur. Jafnframt skal BLÍ sjá til þess að skýrslur og úrslit Öldungamóta birtist í ársskýrslu BLÍ hverju sinni. Hlutfall greiðslu til BLÍ skal endurskoðað á ársþingi sambandsins annað hvert ár.

## Þriðji kafli - Framkvæmd öldungamóta

### Gr. 3.1

Öldungur skipar tvo menn með sér í öldunganefnd, sem sér um framkvæmd mótsins hverju sinni og skal hlíta gildandi reglum.

### Gr. 3.2

Mótið skal haldið á þeim stað sem tilgreindur er í umsókn hverju sinni og eins nálægt 1. maí eða sumardeginum fyrsta og auðið er.

### Gr. 3.3

Keppt skal um farandgrip í öllum deildum. Auk þess skulu 3 efstu lið hverrar deildar hljóta verðlaun.

### Gr. 3.4

Keppt skal í deildum. Í hverri deild eru 7 lið. Leikin er einföld umferð. Ár hvert færast tvö neðstu liðin niður í næstu deild og efstu tvö lið þeirrar deildar færast upp. **Í undantekningartilvikum er Öldungi heimilt að fjölga um eitt lið í einni deild neðan 4. deildar karla og kvenna. Á næsta Öldungamóti verði breytt deild á ný með 7 liða fyrirkomulagi.** Öldungur tekur ákvörðun um ráðstöfun lausra sæta í deildinni þegar lið mæta ekki til leiks.

### Gr. 3.5.

Hver leikur er uppá 2 unnar hrinur, leikið skv. svokallaðri „rally point“ stigagjöf. Leikið er uppí 25 stig nema í oddahrinu upp í 15 stig. Hrina endar í 25 eða 15 stigum þó svo að aðeins eitt stig skilji lið að. Lið fær 1 stig fyrir unna hrinu í stigakeppni mótsins. Séu lið jöfn að stigum ræður hlutfall unninna og tapaðra hrina, sé það jafnt ræður skorhlutfall, það er unnin/töpuð stig. Sé skorhlutfall jafnt sker innbyrðis viðureign úr um röð. Nethæð í karladeildum er 2,35 m en í kvennadeildum 2,18 m. Hvoru liði er heimilt að taka eitt [1] leikhlé í hverri hrinu. Í mótinu er leyfður svonefndur frelsingi. **Búningur leikmanna skulu merktir númerum 1-99.** Að öðru leyti gilda leikreglur BLÍ um blakkeppnina sjálfa.

### Gr. 3.6

Þátttökutilkynningar skal senda öldunganefnd eigi síðar en 30 dögum fyrir mót og skal þátttökugjald, sem er ákveðið af mótshaldara, fylgja tilkynningunni. Þátttökulið skulu senda öldunganefnd nafn og kennitölu allra keppenda og bera liðin fulla ábyrgð á að skráning leikmanna sé í samræmi við grein 1.2. Skráning liðsmanna skal vera lokið a.m.k. 10 dögum áður en mótið hefst. Leikmaður tilheyrir því liði sem hann hefur leik með. Lið sem verður uppvíst að ólöglegri liðsskipan tapar leiknum 2 – 0 (25-0, 25-0).

### Gr. 3.7

Öldungaráð er skipað þremur síðustu öldungum, til vara koma næstu öldungur á undan í röð (fjórði síðasti, fimmti síðasta o.s.frv.). Síðasti öldungur er formaður öldungaráðs. Öldungaráð er öldunganefnd til ráðuneytis. Öllum ágreiningsmálum, sem upp kunna að koma varðandi starf öldunganefndar og framkvæmd öldungamóta, skal vísað til öldungaráðs og er úrskurður þess endanlegur. Skriflegum kærum skal skilað innan 30 mínútna eftir að viðkomandi leik lýkur og skal henni fylgja greiðsla kr. 5.000, sem endurgreiðist ef kæran er tekin til greina. Dómarar leiks geta staðfest móttöku kæru ef ekki næst í öldung eða mótshaldara.

## Fjórði kafli – Öldungaping

### Gr. 4.1

Öldungaping skal haldið í tengslum við öldungamótið. Öldunganefndin skal sjá um framkvæmd þess. Miða skal við kvöld fyrsta heila keppnisdags, ef unnt er. Rétt til setu á Öldungapingi hafa allir þátttakendur á Öldungamótinu ár hvert. Á Öldungapingi fer hvert þátttökulið með 1 atkvæði. Á Öldungapingi ræður einfaldur meirihluti.

Mál sem lögð eru fyrir þingið skulu berast Öldungi eigi síðar en 21 degi fyrir fyrsta mótisdag.

Dagskrá þingsins er svohljóðandi;

- a) Kynning síðasta mótshaldara á framkvæmd mótsins og ráðstöfun ágóða.
- b) Kosning Öldungs næsta Öldungamóts.
- c) Breytingar á reglugerð um Öldungamót BLÍ, er lagðar verða fyrir næsta ársþing BLÍ.
- d) Önnur mál.

*Gr. 4.2*

Þar sem reglur þessar ná ekki til, þá skulu reglur BLÍ gilda.

*Gr. 4.3*

Reglur þessar öðlast gildi frá og með samþykki þeirra á ársþingi BLÍ.

Þannig samþykkt samhljóða ásamt umsóknareyðublaði á Öldungþingi þann 28. apríl 2013

*Skjal þetta var samþykkt á 41. ársþingi BLÍ, haldið þann 8. júní 2013.*

***Skjali breytt (feitiletrað) af nefnd skipuð af stjórn eftir 42. ársþing BLÍ 2014, samþykkt á Stjórnarfundum BLÍ þann 19. febrúar 2015.***